



孔氏家語卷九

七十二弟子解第三十八

注

顏回魯人字子淵少孔子三十歲年二十九

而髮白三十一早死此書久遠年數錯誤未可詳按其

然伯魚五十先孔子卒卒時孔子且七十此謂顏回先伯魚死而

論語云顏回死顏路請子之車以為之槨子曰鯉也死有棺而無

槨或為誤孔子曰自吾有回門人日益顏回為孔子疏

人益親回以德行著名孔子稱其仁焉夫閔損

魯人字子騫少孔子五十歲以德行著名孔
子稱其孝焉冉耕魯人字伯牛以德著名

魯

學有字
益有親字

作耕是德下有行字

名下有也字

黃作菑

作何如

作南宋本化
有南宋本植
終有字字

子下有孔字

人下有也字

有惡疾。孔子曰：命也夫。冉雍字仲弓，伯牛

之宗族，生於不肖之父，以德行著名。宰子

字子我，魯人有口才，以言語著名，仕齊為臨

菑大夫，與田常為亂，夷其三族。孔子恥之，曰：

不在利病，其在宰子。言宰子為病利端木賜字子貢，

衛人，少孔子三十一歲，有口才，著名。孔子每

誦其辯，家富累千金，常結駟連騎，以造原憲。

憲居蒿廬蓬戶之中，與之言先王之義，原憲

衣弊衣冠，并日蔬食。既蔬食并日而後食也衍然有自得之

志。子貢曰：甚矣子如何之病也。原憲曰：吾聞

無財者謂之貧，學道不能行者謂之病。吾貧

也，非病也。子貢慙，終身恥其言之過。子貢好

販，與時轉貨。販發也，買賤賣貴，隨時轉作以有其貨也歷相魯衛而終齊

冉求字子有，仲弓之宗族。少孔子二十九

歲，有才藝，以政事著名，仕為季氏宰。進則理

其官職，退則受教聖師，為性多謙退。故子曰：

求也退，故進之。仲由字子路，一字季

路，少孔子九歲，有勇力才藝，以政事著名，為

夫作孔

時作特

人果烈而剛直性鄙而不達於變通仕衛為大夫遇蒯割與其子輒爭國子路遂死輒難

蒯苦怪 賾五怪

孔子痛之曰自吾有由而惡言不入於耳子路

夫子禦侮之友惡言不入夫子之耳

言偃魯人字子游少孔子三

十五歲時習於禮以文學著名仕為武城宰

嘗從孔子適衛與將軍之子蘭相善使之受

學於夫子卜商衛人字子夏少孔子四十

四歲習於詩能通其義子夏所敘詩義今之毛詩序是以文學著

名為人性不弘好論精微時人無以尚之嘗

返衛見讀史志者云晉師伐秦三豕渡河子

夏曰非也已巳亥耳讀史志曰問諸晉史果曰

巳亥於是衛以子夏為聖孔子卒後教於西

河之上魏文侯師事之而諮國政焉顓孫

師陳人字子張少孔子四十八歲為人有容

貌資質寬冲博接從容自務居不務立於仁

義之行子張不侮鰥寡性凱悌寬冲故子貢以為未仁然不務立仁義之行故子貢激之以為未仁也孔子

門人友之而弗敬曾參南武城人字子輿與

少孔子四十六歲志存孝道故孔子因之以

與南宋本亦作與

作孝經齊嘗聘欲以爲卿而不就曰吾父母
老食人之祿則憂人之事故吾不忍遠親而
爲人殺參後母遇之無恩而供養不衰及其
妻以藜烝不熟因出之人曰非七出也參曰
藜烝小物耳吾欲使熟而不用吾命況大事
乎遂出之終身不娶取妻其子元請焉告其子
曰高宗以後妻殺孝已尹吉甫以後妻放伯
奇吾上不及高宗中不比吉甫庸知其得免
於非乎 澹臺滅明武城人字子羽少孔子

四十九歲有君子之資孔子嘗以容貌望其
才其才不充孔子之望然其爲人公正無私
以取與去就以諾爲名仕魯爲大夫 高柴
齊人高氏之別族字子羔少孔子四十歲長
不過六尺狀貌甚惡爲人篤孝而有法正少
居魯見知名於孔子之門仕爲武城宰 密
不齊魯人字子賤少孔子四十歲仕爲單父
宰有才智仁愛百姓不忍欺孔子美之 樊
須魯人字子遲少孔子四十六歲弱仕於季

氏 有若魯人字子有少孔子三十六歲為
 人強識好古道也 公西赤魯人字子華少孔
 子四十二歲束帶立於朝閑賓主之儀 原
 憲宋人字子思少孔子三十六歲清淨守節
 貧而樂道孔子為魯司寇原憲嘗為孔子宰
 孔子卒後原憲退隱居于衛 公冶長魯人
 字子長為人能忍恥孔子以女妻之 南宮
 韜魯人字子容以智自將世清不廢世濁不
 污孔子以兄子妻之 公析哀齊人字季沉

鄙天下多仕於大夫家者是故未嘗屈節人
 臣孔子特歎貴之 曾點曾參父字子皙疾
 時禮教不行欲修之孔子善焉論語所謂浴
 乎沂風乎舞雩之下 顏由顏回父字季路
 孔子始教學於閭里而受學少孔子六歲
 商瞿魯人字子木少孔子二十九歲特好易
 孔子傳之志焉 漆雕開蔡人字子若少孔
 子十一歲習尚書不樂仕孔子曰子之齒可
 以仕矣時將過子若報其書曰吾斯之未能

信言未能明孔子悅焉 公良孺陳人字子正賢

而有勇孔子周行常以家車五乘從 秦商

魯人字不慈少孔子四歲其父董父與孔子

父叔梁紇俱以力聞 顏刻魯人字子驕少

孔子五十歲孔子適衛子驕為僕衛靈公與

夫人南子同車出而令宦者雍渠梁參乘使孔

子為次乘遊過市孔子恥之顏刻曰夫子何

恥之孔子曰詩云覲爾新婚以慰我心慰乃歎

曰吾未見好德如好色者也 司馬耕宋人

馬下有黎字

作魁

字子牛牛為性躁好言語見兄桓魁行惡牛

常憂之 巫馬施陳人字子期少孔子三十

歲孔子將近行命從者皆持蓋已而果雨巫

馬期問曰且無雲既日出而夫子命持雨具

敢問何以知之孔子曰昨暮月宿于畢詩不

云乎月離於畢俾滂沱矣以此知之 梁鱣

齊人字叔魚少孔子三十九歲年三十未有

子欲出其妻商瞿謂曰子未也魯吾年三十

八無子吾母為吾更取室夫子使吾之齊母

無于字

作辛

欲請留吾。夫子曰：無憂也。瞿過四十，當有五
丈夫。今果然。吾恐子自晚生耳。未必妻之。過
從之。二年而有子。琴牢，衛人，字子開。一字

張。與宗魯友。聞宗魯死，欲往弔焉。孔子弗許。

曰：非義也。冉孺，魯人，字子魚。少孔子五十

歲。顏幸，魯人，字子柳。少孔子四十六歲。

伯虔，字楷。少孔子五十歲。公孫龍，衛人，字

子石。少孔子五十三歲。曹卹，少孔子五十

歲。陳亢，陳人，字子元。一字子禽。少孔子四

十歲。叔仲會，魯人，字子期。少孔子五十歲。

與孔璇年相比。每孺子之執筆記事於夫子。

二人迭侍左右。孟武伯見孔子而問曰：此二

孺子之幼也。於學豈能識於壯哉？孔子曰：然

少成則若性也。習慣若自然也。秦祖，字子

南。奚箴，字子楷。公祖茲，字子之。廉潔，

字子曹。公西與，字子上。宰父黑，字子索。

公西滅，字子尚。穰駟赤，字子從。冉季

字子產。薛邦，字子從。石處，字子里。懸

秦祖以下北宋本
每行兩段南宋本
三段

亶字子象 左郢字子行 狄黑字哲之

商澤字子秀 任不齊字子選 榮祈字子

祺 顏增字子聲 原抗抗字子藉 公賓賓字

子仲 秦非字子之 漆雕從字子文 燕

似似字子思 公夏守字子乘 勾井疆 步

叔乘字子車 右作蜀字子明 邾巽巽字子

斂斂 施之常字子恒 申績績字子周 樂欬欬

字子聲 顏之僕字子叔 孔忠忠字子蔑孔

漆雕漆哆哆字子斂 懸成字子橫 顏相

字子襄

右夫子弟子七十二人皆升堂入室者

本姓解第三十九

孔子之先宋之後也微子啓帝乙之元子紂

之庶兄以圻內諸侯入為王卿士微國名子

爵初武王克殷封紂之子武庚於朝歌使奉

湯祀武王崩而與管蔡霍三叔作難周公相

成王東征之二年罪人斯得乃命微子於殷

後作微子之命由之與國于宋徙殷之子孫

送作宋

唯微子先往仕周故封之賢其弟曰仲思名
衍或名泄嗣微子後故號微仲生宋公稽胄
子雖遷爵易位而班級不及其故者得以故
官為稱故二微雖為宋公而猶以微之號自
終至于稽乃稱公焉宋公生丁公申申公生
緡公共及襄公熙熙生弗父何及厲公方祀
方祀以下世為宋卿弗父何生送父周周生
世子勝勝生正考甫考甫生孔父嘉五世親
盡別為公族故後以孔為氏焉一曰孔父者

作伯夏作梁叔

生時所賜號也是以子孫遂以氏族孔父生
子木金父金父生畢夷畢夷生防叔伯夏夏生叔梁紇曰雖
之禍而犇魯防叔生伯夏夏生叔梁紇曰雖
有九女是無子其妾生孟皮孟皮一字伯尼
有足病於是乃求婚於顏氏顏氏有三女其
小曰徵在顏父問三女曰陳大夫雖父祖為
士然其先聖王之裔今其人身長十尺武力
絕倫吾甚貪之雖年大性嚴不足為疑三子孰
能為之妻二女莫對徵在進曰從父所制將

家語卷九

丘下有之字

有一歲而三字

海下有之字

何問焉。父曰：「即爾能矣。」遂以妻之。徵在既往，廟見。以夫之年大懼，不時有男，而私禱尼丘山以祈焉。生孔子，故名丘，字仲尼。孔子三歲而叔梁紇卒，葬於防。至十九，娶於宋之上官氏。一歲而生伯魚。魚之生也，魯昭公以鯉魚賜孔子。榮君之貺，故因以名鯉，而字伯魚。魚年五十先孔子卒。齊太史子與適魯，見孔子，孔子與之言道。子與悅曰：「吾鄙人也，聞子之名，不覩子之形，久矣，而未知寶貴也。乃今而後知泰山之為高，淵海之為大，惜乎夫子之不逢明王，道德不加於民，而將垂寶貴以貽後世。遂退而謂南宮敬叔曰：「今孔子先聖之嗣，自弗父何以來，世有德讓，天所祚也。成湯以武德王天下，其配在文，殷宗已下，未始有也。孔子生於衰周，先王典籍錯亂，無紀而乃論百家之遺記，考正其義，祖述堯舜，憲章文武，刪詩述書，定禮理樂，制作春秋，讚明易道，垂訓後嗣，以為法式，其文德著矣。然凡所教誨，束脩

山之為高，淵海之為大，惜乎夫子之不逢明王，道德不加於民，而將垂寶貴以貽後世。遂退而謂南宮敬叔曰：「今孔子先聖之嗣，自弗父何以來，世有德讓，天所祚也。成湯以武德王天下，其配在文，殷宗已下，未始有也。孔子生於衰周，先王典籍錯亂，無紀而乃論百家之遺記，考正其義，祖述堯舜，憲章文武，刪詩述書，定禮理樂，制作春秋，讚明易道，垂訓後嗣，以為法式，其文德著矣。然凡所教誨，束脩

告上有之。言二字

已上三千餘人。或者天將欲與素王之乎。夫何其盛也。敬叔曰。殆如吾子之言。夫物莫能兩大。吾聞聖人之後而非繼世之統。其必有興者焉。今孔子之道至矣。乃將施乎無窮。雖欲辭天之祚。故未得耳。子貢聞之。以二子告。孔子子曰。豈若是哉。亂而治之。滯而起之。自吾志。天何與焉。

終記解第四十

孔子蚤晨作起負手曳杖逍遙於門而歌曰。

乎。口本本主註作姜為梁者

泰山其頽乎。梁木其壞乎。喆人其萎乎。頽既

歌而入。當戶而坐。子貢聞之曰。泰山其頽則

吾將安仰。梁木其壞則吾將安杖。喆人其萎

吾將安放。法夫子殆將病也。遂趨而入。夫子

歎而言曰。賜。汝來何遲。予疇嘗夢坐奠於兩

楹之間。疇昔猶近昨夜兩楹之間。殷人所夏后氏殯於

東階之上。則猶在阼。殷人殯於兩楹之間。則

與賓主夾之。周人殯於西階之上。則猶賓之

而丘也。即殷人夫明王不興。則天下其孰能

無則字

宗余

言天下無明王莫能宗已道臨終其有命傷道之不行也

余殆將死遂寢病

七日而終時年七十二矣哀公誄曰昊天不

弔不憇遺一老

弔善也憇且也一老孔子也

俾屏余一人以在

位莞莞余在疚

疚病

於乎哀哉尼父無自律

父文

夫之顯稱律法言無以自為法

子貢曰公其不沒於魯乎夫子有

言曰禮失則昏名失則憇失志為昏失所為

憇生不能用死而誅之非禮也稱一人非名

一人天子之稱也

君兩失之也

矣

既卒門人疑所以服夫

子者子貢曰昔夫子喪顏回也若喪其子而

而無服喪子路亦然今請喪夫子若喪父而

無服於是弟子皆弔服而加麻出有所之則

由經子夏曰入宐經可也

居

出則不經子游曰

吾聞諸夫子喪朋友居則經出則否喪所尊

雖經而出可也孔子之喪公西赤掌殯葬焉

含以疎米三具

疎梗米禮記曰稻曰嘉疎

襲衣十有一稱加

朝服一冠章甫之冠珮象環徑五寸而緝組

綬

組雜色組綬所以繫象環

桐棺四寸柏棺五寸飭棺牆置

設披周也設崇殷也綢練設施夏也

披柩行夾引棺

喪具

喪具

二

註上組字作緝

含

夫子另起

經徒吉

慈魚僅反考北宋李不應從力

者崇崇牙於旗飾也。綢練以練綢，旌之杠，此旌兼用三王禮。葬乘車所建也。旌之旅，緇布廣充幅，長尋曰旌。

所以尊師，且備古也。葬於魯城北泗水上，藏

入地不及泉而封，為偃斧之形，高四尺，樹松

柏為志焉。弟子皆家於墓，行心喪之禮。既葬

有自燕來觀者，舍於子夏氏。子貢謂之曰：吾

亦人之葬聖人，非聖人之葬人。子奚觀焉？魯

夫子言曰：吾見封若夏屋者。夏屋，今之殿，形中見

若斧矣。從若斧者也。上難登，袂又易為功。馬鬣封之謂也。

俗間之名今徒一日二斬板而以封。板蓋廣三尺，長六尺，斬板謂斬其縮

斬，上傍殺，蓋高四尺也。尚行夫子之志而已。尚，庶何觀乎哉？

二三子三年喪畢，或留或去。惟子貢廬於墓

六年。自後羣弟子及魯人處墓如家者，百有

餘家，因名其居曰孔里焉。

正論解第四十一

孔子在齊，齊侯出田。田獵招虞人以弓。旌不進。虞人

掌山澤之官也公使執之，對曰：昔先君之田也，旃以招

大夫，弓以招士，皮冠以招虞人。臣不見皮冠，

故不敢進，乃舍之。孔子聞之曰：善哉！守道不

官下有也字

書作師註同

溝作蒲

法作於

如守官

道為恭敬之道見君召便往守官非守召不往也

君子韙之

是韙

齊

國書伐魯

國書齊卿

季康子使冉求率左師禦之

樊遲為右非不能也不信乎

言季孫德不素著為民所信也

請三

刻而踰之

與眾要隘三刻而踰溝也

如之眾從之師入齊軍

齊軍遁

遁逃

冉有用戈故能入焉孔子聞之曰

義也

在軍能却敵合法義

既戰季孫謂冉有曰子之於戰

學之乎性達之乎對曰學之季孫曰從事孔

子惡乎學冉有曰即學之孔子也夫孔子者

大聖無不該該包文武竝用兼通求也適聞其

戰法猶未之詳也季孫悅樊遲以告孔子孔

子曰季孫於是乎可謂悅人之有能矣南

容說仲孫何忌既除喪

除父傷子之喪

而昭公在外

時為季孫所逐

未之命也

未命二人為卿大夫

定公即位乃命之辭

曰先臣有遺命焉

僖子病不知禮及其將死而屬其二子使事孔子

曰夫

禮人之幹也非禮則無以立囑家老使命二

臣必事孔子而學禮以定其位公許之二子

學於孔子孔子曰能補過者君子也詩云君

子是則是效微孟僖子可則微矣懲已所病以

道下有也字

誨其嗣大雅所謂貽厥孫謀以燕翼子是類

也夫詒遺也燕安也翼敬也言遺其子孫嘉謀學安敬之道也衛孫文子得罪於

獻公居戚文子衛卿林父得罪以戚叛也公卒未葬文子擊鐘焉

延陵季子吳公適晉過戚聞之曰異哉夫子

之在此猶燕子巢于幕也燕巢于幕言至危也懼猶未也

又何樂焉君又在殯可乎文子於是終身不

聽琴瑟孔子聞之曰季子能以義正人文子

能克已服義可謂善改矣孔子覽晉志晉

史記晉趙穿殺靈公穿趙盾從弟也趙盾亡未及山而還

山晉之境史書趙盾弑君盾曰不然史曰子為正

卿亡不出境返不討賊非子而誰盾曰嗚呼

我之懷矣自詒伊戚其我之謂乎孔子歎曰

董狐古之良史也書法不隱趙宣子古之良

大夫也為法受惡受惡惜也越境乃免惜盾不越境以

免於譏而受弑君之責也鄭伐陳入之使子產獻捷于晉

晉人問陳之罪焉子產對曰陳亡周之大德

武王以元女大姬以配胡公而封諸陳豕恃楚衆豕犬焉陵弊邑是以

有往年之告告晉為陳所侵未獲命未得晉平陳之成命則又有東

無下受惡二字

註門下有也字

門之役

與楚共伐鄭至其東門也

當陳隧者井堙木刊

隧陳人堙木刊所也

邑大懼天誘其衷

誘導衷善也天道其善大魁陳者也

啓敝邑心知

其罪授首于我用敢獻功晉人曰何故侵小

對曰先王之命惟罪所在各致其辟辟誅且昔

天子一圻列國一同

地方千里曰圻方百里曰同也

自是以衰周

之制也

大國方百里從是以為差伯方七十里子男五十里周之制也而說學者以周大國方七百里失之遠矣

今大國多數圻矣若無侵小何以至焉晉人

曰其辭順孔子聞之謂子貢曰志有之

志古之書也

言以足志

言以足成其志

文以足言

加以文章以足成其言

不言誰

知其志言之無文行之不遠

有言而無文章雖行而不遠也晉

為伯鄭入陳非文辭不為功慎辭哉

楚靈

王汰侈

驕汰奢侈

右尹子革侍坐

右尹官名子革然也

左史倚

相趨而過王曰是良史也子善視之是能讀

三墳五典八索九丘

三墳三皇之書五典五帝之典八索索法九丘國聚也

對曰

夫良史者記君之過揚君之善而此子以潤

辭為官不可為良史臣又嘗問焉昔周穆王

欲肆其心

肆極

將過行天下使皆有車轍馬迹

焉祭公謀父作祈昭

謀父周卿士祈昭詩名猶齊景公作君臣相悅之樂蓋曰徵昭角昭

慎辭哉作小子慎哉

同下有也字

家語九

一六

是也昭宣為招左傳作招以止王心止王心之逸遊王是以獲歿於文

宮臣聞其詩焉而弗知若問遠焉其焉能知

王曰子能乎對曰能其詩曰祈昭之惰惰乎

式昭德音祈為德情言祈昭樂之安和其法足以昭其德音者也思我王度式

如玉式如金思王之法度如金玉然美刑民之力而

無有醉飽之心長而守刑傷民力用之不勝不節無有醉飽之心言無厭足靈三

揖而入饋不食寢不寐數日則固不能勝其

情以及其難孔子讀其志曰尅已復禮為仁

克勝言能勝已私情復之於禮則為仁也信善哉楚靈王若能如是豈

期辱於乾谿靈王起章華之臺於乾谿國人沸呼遂死焉子革之非左

史所以風也稱詩以諫順哉叔孫穆子避

難奔齊穆子叔孫豹其兄孫如齊宿於庚宗之邑庚宗

寡婦通焉而生牛穆子反魯以牛為內豎

豎通內外之命相家長遂命為相家牛讒叔孫二人殺之叔孫有

病牛不通其饋不食而死牛遂輔叔孫庶子

昭而立之子叔孫諾昭子既立朝其家眾曰豎牛

禍叔孫氏使亂大從殺適立庶又披其邑

以求舍罪牛取叔氏鄰三罪莫大焉必速殺之遂

然作純
追珠作珠玉

三作王

殺豎牛孔子曰叔孫昭子之不勞勞功不以立已為功不

可能也周任有言曰周任古之其人為政者不賞私勞

不罰私怨詩云有覺德行四國順之也覺直昭

子有焉叔向弟理晉邢侯與雍子爭田叔魚攝理叔

罪在雍子雍子納其女於叔魚叔魚

弊其邢獄弊斷斷罪歸邢侯也邢侯怒殺叔魚與雍子於

朝韓宣子問罪於叔向韓起也叔向曰三姦

同罪施生戮死可也施方為與與猶行也雍子自知

其罪而賂以置直也鮒也也刑獄邢侯專殺其罪

一也已惡而掠美為昏掠取善昏亂也已惡而貪以

賂官為默默猶目苟貪不畏罪殺人不忌為賊忌夏書曰

昏默賊殺夏書夏家之書三者宜皆殺也咎陶之刑也請從之

乃施邢侯而尸雍子叔魚於市孔子曰叔向

古之遺直也治國制刑不隱於親三數叔魚

之罪不為末末薄或曰義或左傳作義也可謂直矣平丘

之會數其貽也以寬衛國晉不為暴諸侯會于平丘晉人

歸魯季孫稱其詐也淫蕩荒者於衛衛人患之賂叔向叔向使與叔魚客未追而禁之

以寬魯國晉不為虐魯季孫見執訟於晉晉人歸之季孫責禮不肯歸叔向言叔魚能歸

孫責禮不肯歸叔向言叔魚能歸

其作獄 邢

註義作威

之叔魚說季孫季孫懼乃歸之

邢侯之獄言其貪也以正刑書晉

不為頗

頗偏

三言而除三惡加三利

暴衛虐魯殺三罪去三惡

加三利也

殺親益榮由義也夫

鄭有鄉校

鄉之學校

校之士非論執政駸明欲毀鄉校

然明

子產

曰何以毀為也夫人朝夕退而遊焉以議執政

之善否其所善者吾則行之其所否者吾則

改之若之何其毀也我聞忠善以損怨不聞

立威以防怨防怨猶防水也大決所犯傷人

必多吾弗克救也不如小決使導之不如吾

所聞而藥之也

藥療

孔子聞是言也曰吾以是

觀之人謂子產不仁吾不信也

晉平公會

諸侯于平丘齊侯及盟鄭子產爭貢賦之所

承

所承之輕重也

曰昔者天子班貢輕重以列列尊卑

而貢周之制也卑而貢重者甸服

甸服王圻之內與圻外諸

侯異故

鄭伯南也而使從公侯之貢

南左氏作男古字作南亦

多有作此南連言之猶言公侯也

懼弗給也敢以為請自日中

諍

之以至於昏晉人許之孔子曰子產於是行

也是以為國也

基

詩云樂只君子邦家之基也

本

為下有也字

療上有治字

日亦作日

諍作爭

國下有基字

子產君子之於樂者能為國之本則人樂藝也且曰合諸侯

而藝貢事禮也藝分別貢獻之事也鄭子產有疾謂子

太叔曰我死子必為政唯有德者能以寬服

民其次莫如猛夫火烈民望而畏之故鮮死

焉水濡弱民狎而翫之狎習也則多死焉故寬

難子產卒子太叔為政不忍猛而寬鄭國多

掠盜掠抄也太叔悔之曰吾早從夫子必不及此

孔子聞之曰善哉政寬則民慢慢則糾於猛

糾猶攝也猛則民殘猛政殘民民殘則施之以寬寬以

濟猛猛以濟寬寬猛相濟政是以和詩云民

亦勞止汔可小康汔危也勞民人病汔可小變故以安也惠此中國

以綏四方施之以寬毋縱詭隨詭人隨人遺人小惡者也以

謹無良謹小以懲之也式遏寇虐慘不畏明慘曾也當用遏止為寇虐之人

也曾不畏天之明道者言威也糾之以猛也柔遠能邇言能安遠者能安近以

定我王以定安王位也平之以和也又曰不競不綈不

剛不柔綈急言得中和布政優優百祿是道優優和道聚和之

至也子產之卒也孔子聞之出涕曰古之遺

愛孔子適齊過泰山之側有婦人哭於野

者而哀。夫子式而聽之。曰：此哀一似重有憂者。使子貢往問之。而曰：勇死於虎。吾夫又死焉。今吾子又死焉。子貢曰：何不去乎？婦人曰：無苛政。子貢以告孔子。子曰：小子識之。苛政猛於暴虎。晉魏獻子為政，魏舒分祁氏及羊舌氏之田。荀傑滅晉大夫祁氏羊舌氏故獻子分其田以賞諸大夫。及其子成，皆以賢舉也。又謂賈辛曰：今汝有力於王室，吾是以舉汝。周有子朝之亂，賈辛帥師救周行乎敬之哉！毋墮乃力。孔子聞之，曰：魏子之舉也，近不失

親。子可舉而舉也遠不失舉。不以遠故不舉可謂美矣。又聞其命

賈辛以為忠。詩云：永言配命，自求多福。忠也。

大雅文王之詩，言能長配天命而魏獻子亦能承天命以求多福忠也魏子之舉也，義其

命也。忠其長有後於晉國乎？趙簡子賦晉

國一鼓鐘。三十斤謂之鈞，鈞四謂之石，石四謂之鼓以鑄刑鼎。著范宣

子所為刑書。范宣子晉卿，范釗銘其刑書著鼎也孔子曰：晉其亡

乎？失其度矣。夫晉國將守唐叔之所受法度

以經緯其民者也。唐叔成王母弟，始封於晉者也經緯猶織，以成文也卿大夫

以序守之。序也民是以能遵其道而守其業

大夫以下南宋本缺俱係抄補

註作弃禮

河下有神字

有猶常二字

註于朝亦作子朝

加作如

貴賤不僇謂度也文公是以作執秩之官為

被廬之法晉文公既霸蒐于被廬作執秩之官以為晉國法也以為盟主今

棄此度也而為刑鼎民在鼎矣何以尊貴民將

弃禮禮棄而徵於書不復戴奉上也何業之守也民不奉上則上無所守也貴賤無序

何以為國且夫宣子之刑夷之蒐也晉國亂

制夷蒐之時變易軍師陽唐父為賈季所殺故曰亂制也若之何其為法乎

楚昭王有疾卜曰河為祟王弗祭大夫請祭

諸郊王曰三代命祀祭不越望天子祀天地諸侯望祀境內故曰祭

不越望也江漢沮漳楚之望也四水名也禍福之至不

是過乎不穀雖不德河非所獲罪也遂不祭

孔子曰楚昭王知大道矣取之於已不越祀也其不失國

也宜哉楚為吳所滅昭王出奔已復國者也夏書曰維彼陶唐率彼

天常陶唐堯率循之常道在此冀方中國為冀今失其行亂

其紀綱乃滅而亡謂夏桀又曰允出茲在茲由

已率常可矣言善惡各有類信出此則在此以能循常道可也衛孔文子

使太叔疾出其妻而以其女妻之初疾娶于宋子朝其婦嬖于朝

疾誘其初妻之娣為之立宮與文

子女加二妻之禮文子怒將攻之孔子舍璩

伯玉之家文子就而訪焉孔子曰簞簞之事則嘗聞學之矣兵甲之事未之聞也退而命駕而行曰鳥則擇木木豈能擇鳥乎文子遽自止之曰國也豈敢度其私哉度謀亦訪衛國之難也將止會季康子問冉求之戰冉求既對之又曰夫子播之百姓質諸鬼神而無憾恨用之則有名康子言於哀公以幣迎孔子也曰人之於冉求信之矣將大用之齊陳恒弑其君簡公孔子聞之三日沐浴而適朝告於

哀公曰陳恒弑其君請代之公弗許三請公曰魯為齊弱久矣子之伐也將若之何對曰陳恒弑其君民之不與者半以魯之眾加齊之半可尅也公曰子告季氏孔子辭不告季氏退而告人曰以吾從大夫之後不敢不告也

子張問曰書云高宗三年不言言乃雍有諸雍歡聲貌尚書云言乃雍和有諸也孔子曰胡為其不然也古者天

子崩則世子委政於冢宰三年成湯既歿太甲聽於伊尹太甲湯武王既喪成王聽於周公

之下有執字

其義一也 衛孫相子侵齊遇敗焉相子孫良夫也侵齊

與齊師遇為齊所敗也 齊人乘之執新築大夫仲叔于奚以

其眾救相子相子乃免衛人以邑賞仲叔于

奚于奚辭請曲懸之樂諸侯軒懸軒懸闕一面也故謂之曲懸之樂 繁纓

以朝馬纓當膺以索琴衛以黃金為飾也 許之書在三官司徒書名司馬書服司空書勳

也子路仕衛見其政以訪孔子孔子曰惜也

不如多與之邑唯器與名不可以假人器禮樂之

器名尊卑之名 君之所司也名以出信信以守器器

以藏禮有器然後得行其禮故曰器以藏禮 禮以行義義以生利利

以平民政之大節也若以假人與人政也政

亡則國家從不可止已 公父文伯之母文伯

母敬姜也 紡績不解文伯諫焉其母曰古者王后

親織玄紵紵冠垂者 公侯之夫人加之紘紕紘屈而

之紘紕冠之上覆也 卿之內子為大帶卿之妻為內子 命婦成祭

服大夫之妻為命婦 刻士之妻加之以朝服自庶士已

下各衣其夫秋而戎事烝而獻功男女春秋而勤歲事冬烝

祭而獻其功也 男女紡績僖則有辟績功也辟法也 聖王之制

也今我寡也爾又在位朝夕恪勤猶恐亡先

政作故

註兩之字俱作以

司下無也字 有司主兩字

已作也

紘紕純 南宋本作純

國語

亡作忘

純丁敢 紘為朋友 紘余戰余 旗二反

國作匡

無上亦有國字

待作侍

則作俱

宮作篤是

人之業況有怠惰其何以避辟孔子聞之曰
弟子志之季氏之婦可謂不過矣 樊遲問
於孔子曰鮑牽事齊君執政不撓可謂忠矣

齊慶尅通於夫 鮑牽 之 古國 武子 武子 召慶尅而讓之 慶尅
召夫人 夫人怒 國子 仲靈公 以會于諸侯 高鮑處守 及還 將至閉
門而索客 夫人請之曰 高鮑 而君 刑之 其為 至闇乎 孔
將不納君 遂刑鮑牽之足

子曰古之士者國有道則盡忠以輔之無道
則退身以避之今鮑莊子食於淫亂之朝不
量主之明暗以受大刑是智之不如葵葵猶
能衛其足 葵傾葉隨日轉 故曰衛其足也
季康子欲以一井田

出法賦焉使訪孔子子曰丘弗識也冉有三

發卒曰子為國老待子而行若之何子之不

言孔子不對而私於冉有曰求汝來汝弗聞

乎先王制土籍田以力 則有稅收籍力 而底其遠

近 底平 平其遠近 賦里以人而量其有無 里 里 里有

無以為多 任力以夫而議其老幼 力作度之事 丁夫

少之入也 於是鰥寡孤疾老者有軍旅之出則徵之

無則已 於軍旅之役則鰥寡孤疾 其歲收田一井出

獲秉缶米芻藁不是過 其歲軍旅之歲 一把曰秉 四黍

正十六斗曰庚也先王以為之足君子之行必度於禮

施取其厚施以厚為德也事舉其中事以中為節斂從其薄若

是其已丘亦足矣六丘十不度於禮而貪冒無

厭則雖賦田將有不足且子孫若以行之而

取法則有周公之典在若欲犯法則苟行之

又何訪焉子游問於孔子曰夫子之極言

子產之惠也可得聞乎孔子曰謂在愛民而

已矣子游曰愛民謂之德教何翅施惠哉孔

子曰夫子產者猶眾人之母也能食之而不

能教也子游曰其事可言乎孔子曰子產以

所乘之車與濟冬涉者是愛而無教也定公問

於孔子曰二三大夫皆勸寡人使隆敬於高

年何也孔子對曰君之及此言也將天下實

賴之豈唯魯哉公曰何也其義可得聞乎孔

子曰魯者有虞氏貴德而尚齒夏后氏貴爵

而尚齒殷人貴富而尚齒富貴世祿之家周人貴親而

尚齒虞夏殷周天下之上王也未有遺年者

焉年者貴於天下久矣次于事親是故朝廷

謂作惠

車作輿涉下有章

同爵而尚齒七十杖於朝君問則席

君欲問之則為之設

席而八十則不仕朝君問則就之而悌達乎

朝廷矣其行也肩而不竝不敢與長者竝肩也不錯則隨

錯難行父黨隨行兄弟黨雁行也班白之老不以其任於路道任也少者代之也

而悌達乎道路矣居鄉以齒而老窮不匱強

不犯弱眾不暴寡而悌達乎州巷矣古之道

五十不為甸役五十始老不為力役之事不為田獵之徒也頒禽隆之長

者而悌達乎蒐狩矣軍旅什伍同齒則尚齒

而悌達乎軍旅矣夫聖人之教孝悌發諸朝

廷行於道路至于州巷放于蒐狩循于軍旅

則眾感以義死之而弗敢犯公曰善哉寡人

雖聞之弗能成哀公問於孔子曰寡人聞

東益不祥東益之宅信有之乎孔子曰不祥有五

而東益不與焉夫損人自益身之不祥棄老

而取幼家之不祥釋賢而任不肖國之不祥

老者不教幼者不學俗之不祥聖人伏匿愚

者擅權天下不祥不祥有五東益不與焉

孔子適季孫季孫之宰謁曰君使求假於田

於下有導

檐作負

作什伍同爵

人作王

將與之乎。季孫未言。孔子曰：吾聞之。君取於臣，謂之取；與於臣，謂之賜。臣取於君，謂之假。與於君，謂之獻。季孫色然悟曰：吾誠未達此義。遂命其宰曰：自今已往，君有取，一切不得復言假也。

孔氏家語卷九終

孔氏家語卷十

曲禮子貢問第四十二

子貢問於孔子曰：晉文公實召天子而使諸

侯朝焉。

晉文公會諸侯于濫，召襄王且使狩於河陽，因使諸侯朝。

夫子作春秋云：

天王狩于河陽，何也？孔子曰：以臣召君，不可

以訓，亦書其率諸侯事天子而已。孔子在

宋，見桓魋自爲石槨，三年而不成。工匠皆病。

夫子愀然曰：若是其靡也。後死不如速朽之

愈。冉子僕曰：禮凶事不豫，此何謂也乎？夫子

速朽之愈作朽之速愈

也下無乎字

曰既死而議諡諡定而卜葬既葬而立廟皆臣子之事非所豫屬也况自為之哉南宮

敬叔以富得罪於定公犇衛衛侯請復之載其寶以朝夫子聞之曰若是其貨也喪不若

速貧之愈喪失位也子游侍曰敢問何謂如此孔

子曰富而不好禮殃也敬叔以富喪矣而又

弗改吾懼其將有後患也敬叔聞之驟如孔

氏而後循禮施散焉孔子在齊齊大旱春

饑景公問於孔子曰如之何孔子曰凶年則

乘駑馬力役不興馳道不修馳道君行之道所以幣玉

君所祈請用弊及玉不用牲也祭事不懸不作樂也祀以下牲當用太牢者用少牢

此則賢君自貶以救民之禮也孔子適季

氏康子晝居內寢孔子問其所疾康子出見

之言終孔子退子貢問曰季孫不疾而問諸

疾禮與孔子曰夫禮君子不有大故則不宿

於外非致齊也非疾也則不晝處於內是故

夜居外雖弔之可也晝居於內雖問其疾可

也孔子為大司寇國廡焚子退朝而之火

弊宜作幣作幣

此下無則字

也作矣

註下絃字作絃恐誤

玷作玷

畫

冉求曰另起

不無可字禮下無章

忌作素

註執作報

祭作柴 猶作由

所鄉人有自為火來者則拜之士一大夫再

子貢曰敢問何也孔子曰其來者亦相弔之

道也吾為有司故拜之 子貢問曰管仲失

於奢晏子失於儉與其俱失也二者孰賢孔

子曰管仲鏤簋而朱紘鏤刻而飾之朱旅樹而

反玷旅旌也樹屏也天子外屏諸侯內屏反玷在兩山節藻

梲節飾也刻為山雲梲賢大夫也而難為上晏平

仲祀其先祖而豚肩不揜豆言陋也一狐裘三

十年賢大夫也而難為下君子上不僭下下

不僭上冉求曰臧文仲知魯國之政立言垂

法于今不可亡可謂知禮者矣孔子曰昔臧

文仲安知禮夏父弗忌素逆祀而不止燔柴於

竈以祀焉夫竈者老婦之所祭謂祭竈執其功盛

於甕尊於瓶非所祭也故曰禮也者猶體也

體不備謂之不成人設之不當猶不備也

子路問於孔子曰臧武仲率師與邾人戰于

狐鮐遇敗焉師人多喪而無罰古之道然與

孔子曰凡謀人之軍師敗則死之謀人之國

道作正

註者下無也字

未作不

邑危則亡之古之道也其君在焉者有詔則

無討詔君之教也有君教則臣無討晉將伐宋使人覘之也宋

陽門之介夫死陽門宋城門也介夫被甲衛門者也司城子罕哭之

哀覘者反言於晉侯曰陽門之介夫死而子

罕哭之哀民咸悅宋殆未可伐也孔子聞之

曰善哉覘國乎詩云凡民有喪匍匐救之子

罕有焉雖非晉國天下其孰能當之言雖非晉國使天下有強

者猶不能當也是以周任有言曰民悅其愛者弗可敵

也楚伐吳工尹商陽與陳棄疾追吳師及

之棄疾曰王事也子手弓而可商陽手弓棄

疾曰子射諸射之斃一人韞其弓韞又及棄

疾謂之又斃二人每斃一人輒掩其目止其

御曰吾朝不坐燕不與士卑故也殺三人亦足以

反命矣孔子聞之曰殺入之中又有禮焉子

路怫然進曰人臣之節當君大事唯力所及

死而後已夫子何善此子曰然如汝言也吾

取其有不忍殺入之心而已孔子在衛司

徒敬之卒夫子弔焉主人不哀夫子哭不盡

遽作塚

註解作令僻二字

矣作長

矣上有已字

聲而退。遽塚伯玉請曰：衛鄙俗，不習喪禮，煩吾

子辱相焉。孔子許之，掘中霑而浴室，毀竈而

綴足，襲於牀，及葬，毀宗而躡行。明不復有事於此也。綴足不欲解，屣

矣。毀宗廟而出行神位在廟門之外也。出于大門，及墓，男子西面，婦人

東面，既封而歸。殷道也。孔子行之。子游問曰：

君子行禮，不求變俗，夫子變之矣。孔子曰：非

此之謂也。喪事則從其質而矣。宣公八年六

月辛巳，有事于太廟，而東門襄仲卒。壬午，猶

繹。繹，祭之明也。日又祭也。子由見其故，以問孔子。曰：禮與孔

子曰：非禮也。卿卒，不繹。季栢子喪，康子練

而無衰。子游問於孔子。曰：既服練服，可以除

衰乎。孔子曰：無衰衣者，不以見賓，何以除焉。

邾人以同母異父之昆弟死，將為之服。因

顏克而問禮於孔子。子曰：繼父同居者，則異

父昆弟從為之服，不同居繼父，且猶不服。況

其子乎。齊師侵魯，公叔務人務人，昭公之子。遇人入

保，負杖而息。遇見也。見走辟齊師將入保，疲倦加杖於務

人泣曰：使之雖病，謂時任之雖重，謂時君子弗

能謀士弗能死不可也我則既言之矣敢不
 勉乎與其隣嬖童汪錡乘往犇敵死焉皆殯
 魯人欲勿殤童汪錡問於孔子子曰能執干
 戈以衛社稷可無殤乎魯昭公夫人吳孟
 子卒不赴於諸侯孔子既致仕而往弔焉適
 于季氏季氏不經孔子投經而不拜以季氏無禮故已亦不
 禮成子游問曰禮與孔子曰主人未成服則弔
 者不經焉禮也公父穆伯之喪敬姜晝哭
 文伯之喪晝夜哭孔子曰季氏之婦可謂知

作兄之

禮矣愛而無私上下有章上謂夫下謂子也章別也

夫與子各有別南宮縚之妻孔子之兄兄女喪其姑夫

子誨之髮曰爾母從從爾母扈扈爾從從高也扈扈大也

扈言喪者無容飾也蓋榛以為笄長尺而總八寸總束髮束髮垂為飾

者齊衰之總八寸也子張有父之喪公明儀相焉問啓

顙於孔子孔子曰拜而後啓顙顙乎其順也

啓顙而後拜頌乎其至也三年之喪吾從其

至者孔子在衛衛之人有送葬者而夫子

觀之曰善哉為喪乎足以為法也小子識之

至者作至也

子貢問曰。夫子何善爾也。曰。其往也如慕。其返也如疑。子貢曰。豈若速返而虞哉。返葬而祭謂之虞也。

子曰。此情之至者也。小子識之。我未之能也。

卜人有母死而孺子之泣者。孔子曰。哀則

哀矣。而難繼也。夫禮為可傳也。為可繼也。故

哭踊有節。而變除有期。孟獻子禫。懸而不

樂。可御而不處內。子游問於孔子曰。若是則

過禮也。孔子曰。獻子可謂加於人一等矣。

魯人有朝祥而暮歌者。子路笑之。孔子曰。由

爾責於人。終無已夫。三年之喪。亦已久矣。子

路出。孔子曰。又多乎哉。又復也。言其可。以歌不復久也。踰月。則其

善也。子路問於孔子曰。傷哉貧也。生而無

以供養。死則無以為禮也。孔子曰。啜菽飲水

盡其歡心。斯謂之孝。斂手足形。旋葬而無槨

旋便稱其財。斯謂之禮。貧何傷乎。吳延陵季

子聘于上國。適齊於其返也。其長子死於贏

博之間。贏博齊地。今泰山縣是也。孔子聞之曰。延陵季子吳

之習於禮者也。往而觀其葬焉。其斂以時服

而已

隨冬夏之服無所加

其壙揜坎深不至於泉其塋無

明器之贈既葬其封廣輪揜坎其高可肘隱

也既封則季子左袒右還其封且號者三曰

骨肉歸于土命也若竟氣則無所不之無所

不之而遂行孔子曰延陵季子之於禮其合

矣子游問喪之具孔子曰稱家之有亡焉

子游曰有亡惡乎齊

惡何齊限

孔子曰有也則無

過禮苟亡矣則斂手足形還塋懸棺而封人

豈有非之者哉故夫喪亡與其哀不足而禮

有餘不若禮不足而哀有餘也祭禮與其敬

不足而禮有餘不若禮不足而敬有餘也

伯高死於衛赴於孔子子曰吾惡乎哭諸兄

弟吾哭諸廟父之友吾哭諸廟門之外師吾

哭之寢朋友吾哭之寢門之外所知吾哭之

諸野今於野則已疎於寢則已重夫由賜也

而見我吾哭於賜氏遂命子貢爲之主曰爲

爾哭也來者汝拜之知伯高而來者汝勿拜

既哭使子張往弔焉未至冉求在衛攝束帛

乘馬而以將之。孔子聞之曰：異哉！徒使我不成禮於伯高者，是冉求也。子路有姊之喪，可以除之矣，而弗除。孔子曰：何不除也？子路曰：吾寡兄弟而弗忍也。孔子曰：行道之人皆弗忍，先王制禮，過之者俯而就之，不至者企而望之。子路聞之，遂除之。伯魚之喪，母也，期而猶哭。夫子聞之曰：誰也？門人曰：鯉也。孔子曰：嘻！其甚也，非禮也。伯魚聞之，遂除之。衛公使其大夫求婚於季氏，桓子問禮於孔子。

子曰：同姓為宗，有合族之義，故繫之以姓而弗別，啜之以食而弗殊。君有食族人之禮，雖親盡不異之，族食多少也。雖百

世婚姻不得通，周道然也。桓子曰：魯衛之先

雖寡兄弟，今已絕遠矣，可乎？孔子曰：固非禮

也。夫上祖禰以尊尊之，下治子孫以親親之。

旁治昆弟，所以敦睦也。此先王不易之教也。

有若問於孔子曰：國君之於同姓，如之何？

孔子曰：皆有宗道焉。故雖國君之尊，猶百世

不廢其親，所以崇愛也。雖於族人之親，而不

上字下宜有治

昆弟下有敦睦敦作教

敢戚君所以謙也

戚親也。尊敬君不敢如其親也。

子貢問第四十三

子貢宜夏。南宋本作夏。

子夏問於孔子曰居父母之仇如之何孔子

曰寢苫枕干不仕干盾弗與共天下也遇於朝

市不返兵而鬪兵常不離於身曰請問居昆弟之仇如

之何孔子曰仕弗與同國御國命而使雖遇

之不鬪曰請問從父昆弟之仇如之何曰不

為魁主人能報之則執兵而陪其後子夏

問三年之喪既卒哭金革之事無避禮與初

有司為之乎

有司當職吏也

孔子曰夏后氏之喪三年

既殯而致事殷人既葬而致事周人既卒哭

而致事

致事還政於君也。卒哭止無時之哭。大夫三月而葬。正月而卒哭。士既虞而卒哭也。

記曰君

子不奪人之親亦不奪故也子夏曰金革之

事無避者非與孔子曰吾聞老聃曰魯公伯

禽有為為之也

伯禽有母喪。東方有戒為不義。伯禽為方伯。以不得不誅之。

今以三

年之喪從利者吾弗知也子夏問於孔子

曰記云周公相成王教之以世子之禮有諸

孔子曰昔者成王嗣立幼未能莅阼周公攝

政而治。抗世子之法於伯禽。欲王之知父子。君臣之道。所以善成王也。夫知為子者。然後可以為父。知為人臣者。然後可以為人君。知事人者。然後可以使人。是故抗世子法。伯禽使成王知父子君臣長幼之義焉。凡君之於世子。親則父也。尊則君也。有父之親。有君之尊。然後兼天下而有之。不可不慎也。行一物而善者。唯世子齒於學之謂也。世子齒於學。則國人觀之。曰。此將君我而與我齒讓何也。

曰。有父在。則禮然。然而眾知父子之道矣。其二曰。此將君我而與我齒讓何也。曰。有臣在。則禮然。然而眾知君臣之義矣。其三曰。此將君我而與我齒讓何也。曰。長長也。則禮然。然而眾知長幼之節矣。故父在斯為子。君在則為臣。居子與臣之位。所以尊君而親親也。在學。學之為父子焉。學之為君臣焉。學之為長幼焉。父子君臣長幼之道得而後國治。語曰。樂正司業。父師司成。師有父道。成生人者。一有元良。萬國

以貞

謂天子也。大善太子也。

世子之謂聞之曰為人臣者

曰殺其身有蓋於君則為之況于其身

士鄭氏讀為透

寬也

以善其君乎周公優為之子夏問於孔

子曰居君之母與妻之喪如之何孔子曰居

處言語飲食衎爾於喪所則稱其服而已敢

問伯母之喪如之何孔子曰伯母叔母疏衰

期而踊不絕地姑姊妹之大功踊絕於地若

知此者由文矣哉

言如禮文意當言姑姊妹而已妹上長姑字也

子夏問於

夫子曰凡喪小功已上虞祔練祥之祭皆沐

浴於三年之喪子則盡其情矣孔子曰豈徒

祭而已哉三年之喪身有瘍則浴首有瘡則

沐病則飲酒食肉毀瘠而為病君子不為也

毀則死者君子為之且祭之沐浴為齊潔也

非為飾也子夏問於孔子曰客至無所舍

而夫子曰生於我乎館客死無所殯夫子曰

於我乎殯敢問禮與仁者之心與孔子曰吾

聞諸老聃曰館人使若有之惡有有之而不

得殯乎夫仁者制禮者也故禮者不可不省

也。禮不同不異，不豐不殺，稱其義以爲之宜。故曰：我戰則克，祭則受福，蓋得其道矣。孔子食於季氏，食祭主人不辭，不食，客不飲而食。子夏問曰：禮與？孔子曰：非禮也。從主人也。吾食於少施氏而飽，少施氏食我以禮，吾食祭作而辭曰：疏食不足祭也。吾食而作辭曰：疏食不敢以傷吾子之性。主人不以禮，客不敢盡禮。主人盡禮，則客不敢不盡禮也。子夏問曰：官於大夫，旣升於公而反爲之服，禮與？孔子曰：管仲遇盜，取二人焉。上之爲臣，曰：所以遊辟者可人也。公許管仲卒，桓公使爲之服。官於大夫者爲之服，自管仲始也。有君命焉。子貢問居父母喪，孔子曰：敬爲上，哀次之，瘠爲下。顏色稱情，戚容稱服。曰：請問居兄弟之喪，孔子曰：則存乎書筭矣。子貢問於孔子曰：殷人旣定而弔於壙，周人反哭而弔於家，如之何？孔子曰：反哭之弔也，喪之至也，反而亡矣，失之矣。於斯爲甚，故弔之，死人

子游問宋本連
上當另一章

卒事也。殷以慤。吾從周。殷人既練之明日而
 祔于祖。周人既卒哭之明日而祔于祖。祔祭
 神之始事也。周以戚。吾從殷。戚猶促也。子貢問
 曰。聞諸晏子。少連大連善居喪。其有異稱乎。
 孔子曰。父母之喪。三日不怠。三月不解。期悲
 哀。三年憂。東夷之子達於禮者也。子游問曰。
 諸侯之世子喪。慈母如母。禮與。孔子曰。非禮
 也。古者男子外有傅父。內有慈母。君命所使
 教子者也。何服之有。昔魯孝公少喪其母。其
 慈母良。及其死也。公弗忍。欲喪之。有司曰。禮
 國君慈母無服。今也君為之服。是逆古之禮
 而亂國法也。禮若終行之。則有司將書之以示
 後世。無乃不可乎。公曰。古者天子喪慈母。練
 冠以燕居。謂庶子王為其母也。遂練冠以喪慈母。喪慈母
 如母。始則魯孝公之為也。孔子適衛。遇舊
 館人之喪。入而哭之。哀出。使子貢脫驂以贈
 之。子貢曰。於所識之喪。不能有所贈。贈於舊
 館。不已多乎。孔子曰。吾向入哭之。遇一哀而

路字宜作貢字子路已出觀下文為子問之遂趨而進句便了然路字若作貢字是重一句疑作謂子路曰今脫謂字也

宋板前章字盡前行故叔孫字無空實又一章也

出涕吾惡夫涕而無以將之小子行焉子路問於孔子曰魯大夫練而杖禮與孔子曰吾不知也子路出謂子貢曰吾以為夫子無所不知夫子亦徒有所不知也子貢曰子所問何哉子路曰止吾將為子問之遂趨而進曰練而杖禮與孔子曰非禮也子貢出謂子路曰子謂夫子而弗知之乎夫子徒無所不知也子問非也禮居是邦則不非其大夫叔孫武叔之母死既小斂舉尸者出戶武孫從

之出戶乃袒投其冠而括髮子路歎之孔子曰是禮也子路問曰將小斂則變服今乃出戶而夫子以為知禮何也孔子曰汝問非也君子不舉人以質事質猶止也齊晏栢子卒平

仲麤衰斬苴經帶杖以菅屨食粥居傍廬寢苦枕草其老曰非大夫喪父之禮也晏子曰唯卿大夫曾子以問孔子孔子曰晏平仲可謂能遠害矣不以已之是駭人之非慈辭以避咎義也夫記者乃舉人避害之慈以辭而謂大夫士喪父母有異亦怪也季平子

宗下宜有魯字

卒將以君之璵璠斂贈以珠玉孔子初為中都宰聞之歷級而救焉歷級遽登階不聚足曰送而以寶

玉是猶曝尸於中原也其示民以姦利之端而有害於死者安用之且孝子不順情以危

親忠臣不兆姦以陷君兆姦為姦之兆臣也乃止孔子之

弟子琴張與宗友衛齊豹見宗魯於公子孟

繫孟繫以為參乘焉及齊豹將煞孟繫告宗

魯使行宗魯曰吾由子而事之今聞難而逃

是僭子也僭不信使子言不信子行事乎吾將死以事周

子而歸死於公孟可也齊氏用戈擊公孟宗

魯以背蔽之斷肱中公孟宗魯皆死琴張聞

宗魯死將往弔之孔子曰齊豹之盜孟繫之

賊也汝何弔焉君不食姦不受亂不為利病

於回回邪也不以利故而病於邪也不以回事人不蓋非義蓋掩不

犯非禮汝何弔焉琴張乃止邾人子蒲卒

哭之呼滅舊說以滅子蒲名人少名滅者又哭名其父不近人情疑以孤窮自謂將亡滅也子游

曰若哭其野孔子惡野哭者哭者聞之遂改

之公父文伯卒其妻妾皆行哭失聲敬姜

君下宜有子字

戒之曰吾聞好外者士死之好內者女死之
今吾子早夭吾惡其以好內聞也二三婦人
之欲供先祀者言欲留不改嫁請無瘠色無揮涕

無拊膺揮涕不哭流涕以手揮無哀容無加服有降

服從禮而靜是昭吾子也孔子聞之曰女智

無若婦男智莫若夫公父氏之婦智矣剖情

損禮欲以明其子為令德也子路與子羔

仕於衛衛有蒯聵之難孔子在魯聞之曰柴

也其來由也死矣既而衛使至曰子路死焉

夫子哭之於中庭有人弔者而夫子拜之已

哭進使者而問故使者曰醢之矣遂令左右

皆覆醢曰吾何忍食此季桓子死魯大夫

朝服而弔子游問於孔子曰禮乎夫子不荅

他日又問夫子曰始死則矣羔裘玄冠者易

之而已汝何疑焉子罕問於孔子曰始死

之設重也何為孔子曰重主道也殷主綴重

焉綴連也殷人作主而周人徹重焉周人作主徹重請

問喪朝喪將葬朝於廟而後行焉子曰喪之朝也順死者之

孝心故至於祖考廟而後行殷朝而後殯於
祖周朝而後遂葬孔子之守狗死謂子貢
曰路馬死路馬常所乘馬則藏之以帷狗則藏之以蓋
汝往埋之吾聞弊帷不棄爲埋馬也弊蓋不
棄爲埋狗也今吾貧無蓋於其封也與之席
無使其首陷於土焉

公西赤問第四十四

公西赤問於孔子曰大夫以罪免卒其葬也
如之何孔子曰大夫廢其事終身不仕死則

葬之以士禮老而致事者死則從其列公

儀仲子嫡子死而立其弟檀弓謂子服伯子

曰何居我未之前聞也子服伯子曰仲子亦

猶行古入之道昔者文王捨伯邑考伯邑考文王之長子

也言文王亦立子而不立孫也而立武王微子捨其孫脂立其弟

衍子游以問諸孔子子曰否周制立孫孔

子之母既喪將合葬焉曰古者不祔葬爲不

忍先死者之復見也詩云死則同穴自周公

已來祔葬矣故衛人之祔也離之有以間焉

宋板上畫前行故
孔子字無空當
另章

魯人之祔也合之美夫吾從魯遂合葬於防
曰吾聞之古者墓而不墳今丘也東西南北
之人不可以弗識也吾見封之若堂者矣堂形

四方若高者

又見若坊者矣

坊形旁級平上而長

又見若覆夏屋

者矣又見若斧形者矣吾從斧者焉於是封
之崇四尺孔子先反虞門人後雨甚至墓崩
修之而孔子問焉曰爾來何遲對曰防墓崩
孔子不應三云孔子泫然而流涕曰吾聞之
古不修墓及二十五月而祥五日而彈琴不

成聲十日過禫而成笙歌

孔子大祥二十五日禫而十日踰月而歌

子有母之喪既練陽虎弔焉私於孔子曰今
季氏將大饗境內之士子聞諸孔子曰丘弗
聞也若聞之雖在衰絰亦欲與往陽虎曰子
謂不然乎季氏饗士不及子也陽虎出曾參
問曰語之何謂也孔子曰已則喪服猶應其
言示所以不非也孔子衰服陽虎之言犯禮故孔子答之以示不非其言者也
顏回死魯定公弔焉使人訪於孔子孔子對曰
凡在封內皆臣子也禮君弔其臣升自東階

向尸而哭其恩賜之施不有筭也 原思言

於曾子曰夏后氏之送葬也用明器示民無

知也殷人用祭器示民有知也周人兼而用

之示民疑也曾子曰其不然矣夫以明器鬼

器也祭器人器也古之人胡為而死其親也

子游問於孔子曰之死而致死乎不仁不可

為也之死而致生乎不智不可為也凡為明

器者知喪道矣備物而不可用也是故竹不

成用謂邊之無緣也而瓦不成膝膝鎖琴瑟張而不平笙

竽備而不和有鐘磬而無篳篥篳篥可以懸鐘磬也其曰

明器神明之也哀哉死者而用生者之器不

殆於用殉也殺人以從死謂之殉子游問於孔子曰葬

者塗車芻靈自古有之然今人或有偶偶木人也

是無益於喪孔子曰為芻靈者善矣為偶者

不仁不殆於用人乎 顏淵之喪既祥顏路

饋祥肉於孔子孔子自出而受之入彈琴以

散情而後乃食之 孔子嘗奉薦而進嘗秋祭也

其親也慤慤親之奉薦也慤質也其行也趨趨以數言少威儀

家言十
已祭子貢問曰夫子之言祭也濟濟漆漆焉

威儀容止今夫子之祭無濟濟漆漆何也孔子曰

濟濟漆漆者容也遠也言賓客疏遠之容也漆漆者以自

反謂安辭之容也容以遠若容以自反夫何神明之及

交必如此則何濟濟漆漆之有反饋樂成進

則燕俎序其禮樂備其百官於是君子致其

濟濟漆漆焉夫言豈一端而已哉亦各有所

當子路為季氏宰季氏祭逮昏而奠逮昏未明

終日不足繼以燭雖有強力之容肅敬之心

皆倦怠矣有司跛倚以臨事跛偏任也其為不敬

也大矣他日祭子路與焉室事交于戶堂事

當于階質明而始行事晏朝而徹質明平明孔子

聞之曰以此觀之孰為由也而不知禮衛

莊公之反國改舊制變宗廟易朝市高子臯

問於孔子曰周禮繹祭於祊祊在廟門之西

前朝而後市今衛君欲其事事一更之如之

何孔子曰繹之於庫門內祊之於東市朝於

西方失之矣季相子將祭齊三日而二日

鐘鼓之音不絕。冉有問於孔子。子曰。孝子之祭也。散齋七日。慎思其事。三日致齋。而一用之。情一而猶恐其不敬也。而二日伐鼓。何居焉。

公父文伯之母。季康子之從祖母。康子往焉。

側門而與之言。內皆不踰闕。側門於門之側而與之言。言不外身不踰門限。

文伯祭其祖。悼子康子與焉。悼子文伯始祖。進俎而不

受。進俎康子而不親授。徹俎而不與燕。徹俎之後而不與歡燕之坐。宗老不

具。則不釋。釋又祭宗老大夫家臣也。典與祭祀及宗族之事。不具不在。釋不盡。飫則

退。飫。厭神不盡厭。飫之禮而去也。孔子聞之曰。男女之別。禮之大

經。公父氏之婦。動中德。趣度於禮矣。中意之趣。合禮之度。

季康子朝服以縞。曾子問於孔子曰。禮乎。孔

子曰。諸侯皮弁以告朔。然後服之。以視朝。若

此禮者也。朝服以縞。階宗禮也。孔子惡指斥康子。但言諸侯之禮而已。而諸侯以皮弁以告朔。卒然後朝服以

視朝朝服。明不用縞。

後序

孔子家語者。皆當時公卿士大夫及七十二

弟子之所諮訪。交相對問。言語者。既而諸弟

子各自記其所問焉。與論語孝經並時。弟子

厭

取其正實而切事者別出爲論語其餘則都
集錄名之曰孔子家語凡所論辨流判較歸
實自夫子本旨也屬文下辭往往頗有浮說
煩而不要者亦猶七十二子各共叙述首尾
加之潤色其材或有優劣故使之然也孔子
旣没而微言絕七十二弟子終而大義乖六
國之世儒道分散遊說之士各以巧意而爲
枝葉唯孟軻孫卿守其所習當秦昭王時孫
卿入秦昭王從之問儒術孫卿以孔子之語
及諸國事七十二弟子之言凡百餘篇與之
由此秦悉有焉始皇之世李斯焚書而孔子
家語與諸子同列故不見滅高祖尅秦悉歛
得之皆載於二尺竹簡多有古文字及呂氏
專漢取歸藏之其後被誅亡而孔子家語乃
散在人間好事亦各以意增損其言故使同
是一事而輒異辭孝景皇帝末年募求天下
禮書于時士大夫皆送官得呂氏之所傳孔
子家語而與諸國事及七十二子辭妄相錯

雜不可得知。以付掌書與曲禮衆篇亂簡合而藏之祕府。元封之時。吾仕京師。竊懼先人之典辭將遂泯滅。於是因諸公卿士大夫私以人事募求其副。悉得之。乃以事類相次。撰集爲四十四篇。又有曾子問禮一篇。自別屬曾子問。故不復錄。其諸弟子書所稱引孔子之言者。本不存乎家語。亦以其已自有所傳也。是以皆不取也。將來君子不可不鑑。

孔安國字子國。孔子十二世孫也。孔子生伯

魚。魚生子思。名伋。伋常遭困于宋。作中庸之書四十七篇。以述聖祖之業。授弟子孟軻。之徒數百人。年六十二而卒。子思生子白。名白。年四十七而卒。自叔梁紇始出妻。及伯魚亦出妻。至子思又出妻。故稱孔氏三世出妻。子白生子家。名傲。後名永。年四十五而卒。子家生子直。名榘。年四十六而卒。子直生子高。名穿。亦著儒家語十二篇。名曰謫言。年五十七而卒。子高生武。字子順。名微。後名斌。爲魏文

王相年五十七而卒。子武生子魚，名鮒。及子襄，名騰。子文，名耐。子魚，後名甲。子襄，以好經書博學，畏秦法峻急，乃壁藏其家語、孝經、尚書及論語於夫子之舊堂壁中。子魚爲陳王涉博士、太師，卒。陳下生元路，一字元生，名育。後名隨。子文，生最，字子產。子產後從高祖以左司馬將軍從韓信破楚於垓下，以功封蓼侯。年五十三而卒，諡曰夷侯。長子滅，嗣官至太常。次子襄，字子士，後名讓，爲孝惠皇帝博士。遷長沙王太傅。年五十七而卒。生季中，名員。年五十七而卒。生武，及子國。子國少學詩於申公，受尚書於伏生。長則博覽經傳，問無常師。年四十爲諫議大夫，遷侍中。博士。天漢後，魯恭王壞夫子故宅，得壁中詩書，悉以歸子國。子國乃考論古今文字，撰衆師之義爲古文論語訓十一篇，孝經傳二篇，尚書傳五十八篇，皆所得壁中科斗本也。又集錄孔氏家語爲四十四篇，旣成，會值巫蠱事，寢不施。

行子國由博士爲臨淮太守。在官六年以病免。年六十卒于家。其後孝成皇帝詔光祿大夫劉向校定衆書。都記錄名古今文書論語別錄。子國孫衍爲博士。上書辯之曰。臣聞明王不掩人之功。大聖不遺人小善。所以能其明聖也。陛下發明詔。諮羣儒。集天下書籍。無言不悉。命通才大夫校定其義。使遐載之文以大著於今日。立言之士垂於不朽。此則蹈明王之軌。遵大聖之風者也。雖唐帝之煥然。

周王之或或。未若斯之極也。故述作之士莫不樂測大倫焉。臣祖故臨淮太守安國。建仕於孝武皇帝之世。以經學爲名。以儒雅爲官。讚明道義。見稱前朝。時魯恭王壞孔子故宅。得古文科斗尚書。孝經論語。世人莫有能言者。安國爲之。今文讀而訓傳其義。又撰孔子家語。旣畢。會值巫蠱事起。遂各廢不行于時。然其典雅正實。與世所傳者不同。日而論也。光祿大夫向以爲其時所未施之。故尚書則

不記於別錄論語則不使名家也。臣竊惜之。且百家章句無不畢記。況孔子家語古文正實而疑之哉。又戴聖近世小儒以曲禮不足而乃取孔子家語雜亂者。及子思孟軻孫卿之書以裨益之。總名曰禮記。今尚見其已在禮記者。則便除家語之本篇。是滅其原而存其末。不亦難乎。臣之愚以爲宜如此爲例。皆記錄別見。故敢冒昧以聞。奏上天子許之。未卽論定而遇帝崩。向又病亡。遂不果立。

奏字天字北宋本俱頂格

嗟乎是書之亡久矣。一亡于勝國王氏。其病在割裂。一亡於包山陸氏。其病在倒顛。先輩每慶是書未遭秦燬。至于今日。何異與焦炬同燬。銷耶予每展讀。卽長跼宣尼像前。誓願違止。及見郴陽何燕泉叙中。云不覺泣涕如雨。夫燕泉生於正德間。又極稽古。尚未獲一見。余又何望哉。余又何望哉。撫卷浩歎。愈久愈痛。忽丁卯秋。吳興賈人持一編至。廼

北宋板王肅注本子大書深刻與今本迥異惜二卷十六葉已前皆已蠹蝕因復向先聖焚香叩首願窺全豹幸已知春從錫山酒家復覩一函冠冕巋然亦宋刻王氏注也所逸者僅末二卷余不覺合掌頓足急倩能書者一補其首一補其尾二冊儼然雙璧矣縱未必夫子舊堂壁中故物已不失王肅本注矣三百年割裂顛倒之紛紛一旦而垂紳正

笏於夫子廟堂之上矣是書幸矣余幸矣亟公之同好凡架上王氏陸氏本俱可覆諸醬瓿矣即何氏所注亦是暗中摸索疵病甚多未必賢于王陸二家也但其一序亦可參考因綴旒于跋之下

虞山毛晉識

何孟春曰孔子家語如孔衍言則壁藏之餘實孔安國為之而王肅代安國序未始及焉不知何謂此書源委流傳肅

序詳矣愚考漢書藝文志載家語二十
七卷顏師古曰非今所有家語也唐書
藝文志有王肅注家語十卷然則師古
所謂今之家語者歟班史所志大都劉
向較錄已定之書肅序稱四十四篇乃
先聖二十一世孫猛之所傳者肅闕鄭
氏學猛嘗學於肅肅從猛得此書遂行
於世然則肅之所注家語也非安國之
所撰次及向之所較者明矣虞舜南風
之詩玄注樂記云其辭未聞今家語有
之馬昭謂王肅增加非鄭玄所見其言
豈無據耶肅之奢異於玄蓋每如此既
於曾子問篇不錄又言諸弟子所稱引
皆不取而胡為贅此此自有為云爾肅
之注愚不獲見而見其序今世相傳家
語殆非肅本非師古所謂今之所有者
安國本世遠不復可得今於何取正哉
司馬貞與師古同代人也貞作史記索

隱引及家語今本或有或無有亦不同
愚有以知其非肅之全書矣今家語勝
國王廣謀所句解也注庸陋荒昧無所
發明何足與語於述作家而其本使正
文漏略復不滿人意可恨哉今本而不
同於唐未必非廣謀之妄庸有所刪除
而致然也史記傳顏何字冉索隱曰家
語字稱仁山金氏考七十二子姓氏以
顏何不載於家語論語仲弓問子桑伯

子朱子注家語記伯子不衣冠而處張
存中取說苑中語為證顏何暨伯子事
廣謀本所無者蓋金張二人所見已是
今本以此而推此書同事異辭滅源存
未亂于人手不啻在漢而巴安國及向
之舊至肅凡幾變而今重亂而失真矣
今何所取正而愚重為之注不亦廣謀
之比乎嗟夫先民有言見稱聖人聖有
遺訓誰其弗循書莫古於三代古莫聖

於孔子吾夫子之言如雷霆之洞人耳
如日月之啟人目六經外孝經論語後
幸存此書奈之何使其汶汶而可也此
書肅謂其煩而不要大儒者朱子亦曰
雜而不純然實自夫子本旨忘當時書
也而吾何可留焉而莫之重耶論語出
聖門高弟記錄正實而切事者顏回死
顏路請子之車子曰鯉也死有棺而無
椁校以家語所紀歲年子淵死時伯魚
蓋無恙也或以論語為設事之辭論語
且有不可信者矣吾又何得於此書之
不可信者而并疑其餘之可信者哉學
者就其所見而求其論于至當之地斯
善學者之益也春謹即他書有明著家

語云云而今本缺略者以補綴之今本

不少槩見則不知舊本為在何篇而不
敢以入焉分四十四篇為八卷他書所
記事同語異者箋其下而一二愚得附

為其不敢以入者仍別錄之并春秋戰
國秦漢間文字載有孔子語者錄為家
語外集存之私塾以俟博雅君子或得
肅舊本而是正焉是豈獨春之幸哉嘗
大明正德二年歲次丁卯仲春二月壬
寅日識

辛亥孟夏假芥季先生校本勘正硃筆从北宋本墨筆从南宋
本閱半月而校畢時五月初二日



